

## LA XANA – CORQUIÉU

Ye una roxa mocina  
Que coyida fo pol díañu  
Y quedó encantadina  
Pelos años de los años

Escondióla nuna cueva  
Peles peñes cuidada  
Aunque la mar ta cerquina  
Sola nun ye p'algamala

Atópala un mociquín  
Atópala y se enamora  
Pero pa desencantala  
Na mar tien que dexala

Pa siempre la perdería  
Si nel suelu la posara  
Na mar habrá de dexala  
Si ye que la quería

Y n'una fonte ensin cañu  
Qu'ente matos s'atopa  
Una xana alborota  
Cuando s'esmuz deldíañu

Y n'una fonte ensin cañu  
Qu'ente matos s'atopa  
Una xana alborota  
Cuando s'esmuz del díañu

Va aportando al sable  
Vela lloñe la mar  
Va aportando a la mar  
Vela lloñe la sable

Déxala al fin na mar...

Déxala desencantada...

Y n'una fonte ensin cañu  
Qu'ente matos s'atopa  
Una xana alborota  
Cuando s'esmuz del díañu

Y nuna fonte ensin cañu  
Qu'ente matos s'atopaba  
La xana qu'alborotaba

Llibre ta güei del díañu